

SAMÞYKKT**um forkaupsrétt hafnarsjóðs Akureyrar og bæjarsjóðs Akureyrar
á nokkrum fasteignum á Akureyri.**

Samkvæmt heimild í lögum nr. 22 frá 23. júní 1932 um forkaupsrétt kaupstaða og kauptúna á hafnarmannvirkjum o. fl., samþykkti bæjarstjórn Akureyrar á fundi sínum 6. nóvember 1962 að áskilja hafnarsjóði Akureyrar forkaupsrétt á lóðum og fasteignum Sverris Ragnars og db. Ragnars Ólafssonar á Oddeyrartanga á Akureyri. Enn fremur samþykkti bæjarstjórn Akureyrar á sama fundi að áskilja bæjarsjóði Akureyrar, vegna skipulags, forkaupsrétt á eftirtöldum fasteignum á Akureyri:

1. Húseigninni Melstað í Glerárþorpi,
2. — Gránufélagsgötu 1,
3. — Gránufélagsgötu 11,
4. — Geislagötu 1,
5. — Geislagötu 39,
6. — Glerárgötu 9,
7. — Eyrarlandsvegi 19.

Samþykkt þessi öðlast þegar gildi og gildir í 5 ár frá dagsetningu hennar að telja.

Birtist hún hér með til eftirbreytni öllum þeim, er hlut eiga að máli.

Félagsmálaráðuneytið, 3. desember 1962.

F. h. r.

Hjálmar Vilhjálmsson.

Hallgrímur Dalberg.

AUGLÝSING**um staðfestingu félagsmálaráðuneytisins á samþykktum
byggingarsamvinnufélaga.**

Samkvæmt lögum nr. 36/1952, um opinbera aðstoð við byggingar íbúða í kaupstöðum og kaupunum, hefur ráðuneytið staðfest þessar samþykktir fyrir byggingarsamvinnufélög:

66. Samþykkt fyrir Byggingarsamvinnufélag iðnverkafólks. Varnarþing Reykjavíkur. Staðfest 27. ágúst 1958.
67. Samþykkt fyrir Byggingarsamvinnufélag flugvallarstarfsmanna. Varnarþing Reykjavíkur. Staðfest 30. okt. 1958.
68. Samþykkt fyrir Byggingarsamvinnufélag húsasmiða. Starfssvið þess er: Reykjavík, Kópavogur, Seltjarnarnes og Garðahreppur. Varnarþing Reykjavíkur. Staðfest 23. júlí 1960.

69. Samþykkt fyrir Byggingarsamvinnufélag starfsmanna Keflavíkurbæjar. Varnarþing Keflavíkur. Staðfest 27. nóvember 1962.

Félagsmálaráðuneytið, 4. desember 1962.

F. h. r.

Hjálmar Vilhjálmsson.

Gunnlaugur Þórðarson.

Nr. 214.

10. desember.

Staðfesting forsetans á skipulagsskrá fyrir Minningarsjóð Guðrúnar Ólafsdóttur, útgefin á venjulegan hátt að mandatun af dómsmálaráðherra 10. desember 1962.

Skipulagsskráin er þannig:

SKIPULAGSSKRÁ

fyrir Minningarsjóð Guðrúnar Ólafsdóttur.

1. gr.

Sjóðurinn heitir: Minning Guðrúnar Ólafsdóttur.

2. gr.

Sjóðurinn er stofnaður til minningar um Guðrúnu Ólafsdóttur, er lengi bjó ekkja að Miðdal í Hólshreppi. Hún var fædd 26. nóv. 1877 og lézt 10. ágúst 1947. Stofndagur sjóðsins er 26. nóvember 1962, en stofnendur eru Pétur J. Ólafsson, bróðir Guðrúnar, og kona hans Þorsteina Guðmundsdóttir.

3. gr.

Stofnfé sjóðsins er kr. 2000.00 — tvö þúsund — og skal hann ávaxtaður í Sparisjóði Bolungarvíkur eða annarri tryggri peningastofnun.

Tekjur sjóðsins eru, auk árlegra vaxta, hvers konar gjafir og áheit, svo og annað það fé, er stjórn hans kann að afla honum.

4. gr.

Tilgangur sjóðsins er að veita viðurkenningu þeim bændum í Hólshreppi, Norður-Ísafjarðarsýslu, er sýnt hafa sérstakan dugnað í búrekstri sínum og þó einkum þeim, sem kunnir eru að því að eiga gott búfé og fara vel með það. Verðlaunum skal úthlutað 26. nóvember og skal fyrsta úthlutun fara fram árið 1967. Eftir það má úthluta úr sjóðnum á fimm ára fresti og skulu eigi líða meira en tíu ár á milli úthlutana.

Verja má í samræmi við ofangreindan tilgang allt að $\frac{3}{4}$ hlutum af árlegum vaxtatekjum sjóðsins, en $\frac{1}{4}$ hluti af árlegum vöxtum skal lagður við höfuðstól, unz hann nemur kr. 10000.00 — tíu þúsund —, eftir það má verja vaxtatekjum öllum til téðra verðlaunaveitinga.

5. gr.

Stjórn Búnaðarfélags Hólshrepps hefur með höndum stjórn sjóðsins. Skal árlegur reikningur færður í sérstaka bók og hann endurskoðaður með reikningum Búnaðarfélagsins.